

王氏醫案

才不足以包乎所業之外則其業不精心不足以周乎所業之中則其業亦不精羿之射僚之丸張旭之草書蘭子之舞劍其人皆負不可一世之才而俯首降心於一藝之微研窮玩索不能自己迨其業之旣成而天下莫能尙况乎醫之爲道參天人之奧操性命之權其理至深其責至重而世顧以無才無識之人挾不專不精之術貿貿施治絕人長年宜乎古人有學醫人費之慨也余自束髮受書篤嗜軒岐之學以家貧無力致書所蓄者靈素而外立齋景岳諸種而已觀其援引之繁富議論之辨博竊以爲道在於是而按法施治輒爲所困嗣得西昌喻氏

之書伏而誦之始有以識夫病情之蕃變方劑之準繩與夫寒暑陰陽之變化其才大而學博識高而法密有非薛張諸公所
能髣髴者然而尙論一編猶襲三綱之謬春溫一論混入傷寒
之中白璧微瑕不能不爲此老惜也歲在乙巳服官江右廣搜
百氏之書如葉天士之高超尤在涇之切實王晉三之精奧張
路玉之明達以及吳又可徐洄溪柯韻柏陳修園諸君子罔弗
各具精心獨抒偉論靈蘭之祕闡發靡遺然而宗古訓者矩矱
弗失而不免於附會穿鑿崇妙悟者化裁生心而或涉於支離
背謬夫醫主於愈病而已偏執一途而故持高論縱名理湛深

與病情無與也偶於坊閒得武林王君孟英所著霍亂論一帙
其理明其詞達指陳病機判然若黑白之不可混淆以爲飼鶴
山人之流亞私心竊嚮往之己酉冬余室人患痰飲脇痛屢藥
弗痊漸卽沈困適孟英來撫之金谿視吳侯醞香之疾亟走伴
相邀惴惴然恐不得一當乃孟英惠然肯來投藥五劑而大效
並出初刊醫案回春錄見示因縱談古今之同異百家之得失
滔滔滾滾折衷悉當始知霍亂一論不過孟英一端之緒餘而
又竊幸余向之私心傾慕者爲不誣也詢其近案積有數卷乃
張柳吟趙菊齋諸君子所輯定而題其篇曰仁術志余取而讀

之喜其崇論閎議足爲世法因易其名曰王氏醫案與回春錄
合爲一編而附霍亂論於後并謬加評點付諸攻木之工以廣
其傳蓋醫者生人之術也醫而無術則不足以生人醫而悞用
其術則不惟不足以生人而其弊反至於殺人夫醫雖至庸未
有忍於殺人者也而才不足以應紛紜之變學不足以窮古今
之宜識不足以定真僞之幻則其術不精斯曰殺人而不自知
故爲醫而無才無學無識不可也爲醫而恃才恃學恃識亦不
可也必也平心以察之虚心以應之庶乎其可也夫古人因病
而生法因法而成方理勢自然本非神妙唯用之而當斯神妙



矣今才如孟英學如孟英識力精超如孟英而每臨一證息心
靜氣曲證旁參務有以究乎病情之真而後已宜乎出奇制勝
變化無方著之醫案卓卓可傳如是也余讀孟英之書於數年
以前以爲迢迢二千里山遙水阻必無相見之期乃吳君病而
孟英來孟英來而余室適病宛轉牽引卒使數年來望風相思
之友把袂盤桓傾吐肝鬲極苔岑遇合之奇夙世因緣諒非淺
鮮孟英勉乎哉異日者擷眾籍之精華訂羣言之謬僞刪繁提
要勒爲一書以保全天下萬世之民命厥功甚鉅而爲力亦甚
艱天末故人所企望於良友者詎止斯醫案一編而已耶

道光三十年歲次庚戌知宜黃縣事楊照藜書於吟香書屋

要憐然一書以於全天下萬世之矣命題以甚重而欲代

猶孟英晚平姑異日青蓮翠綠之林華信筆言之有洞洞

之文吡鄰盤卧則也代其語其意合之者其

孟英來孟英來而余定識識其神筆也卒於

以前以爲談談二千里山嶽水則無非良之限

變外無古書之習學其是而新取果也余隨孟英之

精原曲盡矣參蘇亦以空平識識之真而與宜平出奇歸

矣今大收孟英學收孟英篇代其談談收孟英而會輯一蜀息



予友王君孟英少年失怙其尊人彌留之際執孟英手而囑曰
人生天地之間必期有用於世汝識斯言吾無憾矣孟英泣拜
而銘諸心版然自顧家貧性介不能爲利達之人將何以爲世
用耶聞先哲有不爲良相則爲良醫之語因自顏其室曰潛齋
而銳志於軒岐之學潛心研究遂挾其微年未冠遊長山卽納
交於予每見其治病之奇若有天授而視疾之暇恒手一編不
輟也繼瞻其齋頭一聯云讀書明理好學虛心可見苦志力學
蘊之胷中者淵深莫測乃能窮理盡性出之指下者神妙難言
二十年來活人無算豈非以用世之才運其濟世之術而可垂

諸後世者哉今就予耳目所及之妙法仿丁長孺刻仲淳案之
例錄而付梓名曰回春錄見聞有限遺美極多世之君子必有
如莊斂之華岫雲其人者更爲之遠搜博采以廣其傳而予糠
秕在前有榮施矣

道光二十三年癸卯冬十二月

愚弟周

鏊拜題

人坐天鼓之間必其音用效其音無謝矣孟英立其
千丈王景孟英少平其其音人爾爾之烈時孟英平而曰



例言

一所錄皆二十年來見聞所及詳載字姓厯厯可徵閒有逸其名氏者偶忘之耳

一淺易之證尋常治法所能瘳者概不泛錄

一難辨之證誤藥卽成危候而初病乃能洞燭遽爾霍然雖若無奇不可不錄後學苟能畱意庶免以藥釀病之辜

一病有虛實寒熱治分補瀉溫涼更有補瀉互投之法寒熱並用之宜者以標本異情證因錯雜也此錄諸案具備法無偏倚不媿一代之良工矣

一六氣皆從火化凡外感之邪雖傷寒必以顧陰爲主况溫熱暑燥之病更多於傷寒而熱之灼陰尤爲勢所必然耶觀案中治感多以涼潤清解爲法是參天人一致之理以談醫非泥古耳食之徒所能窺測也

一孟英可傳之案何僅止此惜予未能窮蒐廣討也凡荷其再造之人不妨陸續補刊以推廣仁術而嘉惠來茲匪惟忠厚當然卽是心存濟世故不以上下分帙而以卷一卷二爲次蓋欲卷數之遞增無已耳

一案中辨證固多發人之未發他如論阿片之燥烈傷津豬肉



之柔潤充液之類尤爲有功於世是不僅某藥治愈某病之案
讀者須加咀嚼勿囫圇嚥下也

一孟英雖用藥極平淡而治病多奇中故其辨證處方同道莫
不折服茲所錄案已見一斑附采玉芝丸數方藥易功優更徵
立法之善至爛喉痧方雖從金匱翼錄出而孟英命其名曰錫
類散且聞授其方於莊芝階金愿谷兩中翰修合濟人救全不
少凡屬外淫喉患無不應手而瘳不特爛喉痧藉以爲神丹也
敢不附載以廣其傳乎

乾薑辛溫故用之以回陽氣若併此不得則令壯盛人以氣呵之亦可救倉卒之變

王氏醫案卷一 原名回春錄

杭州王士雄孟英著

同郡周

鏞光遠輯錄



甲申夏予於登廁時忽然體冷汗出氣怯神疲孟英視之曰陽氣欲脫也卒不及得藥適有三年女佩薑一塊約重四五錢急煎而灌之即安後用培補藥率以參耆朮草爲主蓋氣分偏虛也。范慶簪年踰五十素患痰嗽乙酉秋在婺驟然吐血勢頗可危孟英診曰氣虛而血無統攝也雖向來咳嗽陰虧陰藥切不可

服然非格陽吐血。附桂更爲禁劑。乃以潞參耆朮苓草山藥扁
豆橘皮木瓜酒炒芍藥爲方。五帖而安。繼去甘草木瓜加熟地
黃黑驢皮膠紫石英麥冬五味子龍骨牡蠣熬膏服之。全愈。亦
不復發。後范旋里數年。以他疾終。

丙戌春。倉夫鄭德順患急證。時已二鼓。丐孟英視之。見其扒牀
拉席口。不能言。惟以兩手指心。抓舌而已。孟英曰。中毒也。取綠
豆二升。急火煎清湯。澄冷灌之。果卽霍然。詰朝詢其故。始言久
患臂痛。因餌草頭藥。下嚔後。卽心悶不可耐。舌麻不能言。而旁
人不知也。錄此。足以徵孟英臨證之燭照如神。亦可見草藥之

予每以此法治
陽證瘡毒莫不
應手取效真妙
方也

不可輕試也。

癸人羅元奎丁亥夏卒發寒熱旋即嘔吐不能立自言脘間痛

不可當孟英視其痛處炊赤腫硬形如肥阜筴橫梗於毛際之

左乃曰此證頗惡然乘初起可一擊去之也用金銀花六兩生

甘草一兩阜角刺五錢水煎和酒服之一劑減其勢再劑病若

失逾年患傷寒孟英切脈虛細已極曰此不可徒攻其病者以

陰分太虧耳與景岳法以熟地當歸酒炒白芍炙甘草橘皮柴

○參但○表藥止柴○胡一味猶嫌力微

胡等藥一劑而瘳

予素患噫氣凡體稍不適其病即至既響且多勢不可遏戊子

法本喻氏

元參能滋水以
制火獨用則力
厚取效倍捷

冬發之最甚苦不可言孟英曰此陽氣式微而濁陰上逆也先服理中湯一劑隨以旋覆代赭湯投之遂愈嗣後每發如法服之輒效後來發亦極輕今已不甚發矣予聞孟英常云此仲聖妙方藥極平淡奈世人畏不敢用殊可陋也

非戴陽證

有患陰虛火炎者面赤常如飲酒之態孟英主一味元參湯其效若神而屢試皆驗

熱甚、陰、竭、之象

黟人葉殿和庚寅秋患感旬日後汗出昏瞢醫皆束手乃甥余薇垣浼孟英勸之曰此真陰素虧過服升散與仲聖誤發少陰汗同例下竭則上厥豈得引亡陽爲比而以附桂速其斃耶以

比○例○精○當○

元參地黃知母甘草白芍黃連茯苓小麥龜板鼈甲牡蠣驢皮膠爲大劑投之得愈。

海陽趙子升辛卯夏病瘧急延孟英診之曰暑熱爲患耳不可

專○清○暑○邪

膠守於小柴胡也與白虎湯一啜而瘧甲午秋范麗門患溫瘧

清○熱○兼○驅○風

孟英用白虎加桂枝以瘥之丙申夏盛少雲病溼熱瘧孟英以

清○熱○兼○燥○溼

白虎加蒼朮湯而安己亥夏予舅母患瘧服柴胡藥二三帖後

汗出昏厥妄語遺溺或謂其體質素虛慮有脫變勸服獨參湯

幸表弟壽者不敢遽進乃邀孟英商焉切其脈洪大滑數曰陽

清○熱○兼○益○氣

明暑瘧也與傷寒三陽合病同符處竹葉石膏湯兩劑而瘳庚